

張
季
子
詩
錄

PL
2705
.A53
v.2






JUN 1 / 2001

張季子詩錄卷五 自光緒十年甲申訖十三年丁亥錄四十五首

鎮海楊生示春燕詩即贈



南通張 謇

杖策歸來日周旋見此生姓名隨市隱神采與詩清
風雪鍵門迴江湖入夢驚試吟春社燕羈屑感滄瀛

海嶽歸來圖為某作

道路繇來險滄波况爾深乍看行篋畫謂是券游心
天壤馮夷宕山川自古今迴帆聽搗鼓吾意却沈吟

金州述別聯句

西風吹送幕庭寒

曼君

萬里驚秋客袂單遼海無因悲遠戍 謇燕雲有夢

促征鞍清笳一併州門淚

邱履平

苦酒難平壯士肝出塞王師近瘴勝 曼

君一時諸將自登壇 謇

平津賓客幾人存

謬

往事低徊僕射恩豈謂生平託藐履

履平

更煩涕泗

到荃蓀淒涼丹旆橫秋色

曼君

零落青袍惜故痕杖策何如歸隱好謬迪

維皇甫各山村

履平

贈金州同知陳鶴洲

士芸

聯句

平生回首信陵門

曼君

于我渠渠夏屋存刀壁似聞求故器

謬

風雲徒悔

信招魂金州司馬賢無對

曼君

盛府賓僚事莫論天壤皋牢成弃物謬炊

梁翦韭意何溫

曼君

為黃仲弢編修

紹箕

題龍女圖

浪費真皇一文文諸天雷雨事紛紛人間何限癡龍睡未覺雲中別有君

尺簡音書渺洞庭不曾珍髭怨芳馨金堂玉室羣仙事自戀天龍睇八溟

蔣研香女士畫蘭

十載山公坐上深九霞仙佩聽姚音却從蘅芷荃蓀列敬識蘋蘩瀟灑心

曾煩玉魴寫妍姿遠侑江南寄婦詩福慧何緣雙乞與蘭芽駢茁稱家兒
襲佩芬芳雅自宜徵蘭誰與夢燕姬不須更識迴文錦費盡欠綃百丈絲
班閨傳經自昔賢擬騷況有小山篇應知未忘留名好苦買西州十樣箋
羅浮仙子圖為訢父作

王郎四十宰官身玉女璿宮證夙因博得投壺裁一笑人間香海幾回春
別夢羅浮未便真青鸞傳語誤紛紛神仙何處雙條脫一側荒唐楚雨雲
欠雪相期十載緣自將芳樹惜嬋娟安心學取維摩法丈室同參自在禪
淮水

淮水日南瀉征人與未休停橈詢舊泊對此獨深秋人事成今昔關河况
阻修坐聽霜際雁一一下汀洲

明月

洪湍挾泥淖衆影亂草木中有明月珠瑩瑩疑可掬含靈太虛表庸知水

清濁以是鏡所非乃與萬物角淵哉至人心冥冥致其獨

隣船母答兒

遠聞韓伯俞答膚不楚傷親衰近者李廷尉擁尸感慟誰家兒親衰猶見
霜雪姿擁尸萬一疇親慈我生三十貧賤耳母乎安在有兒奚以為急復
急蕩船楫鳴復鳴兒夜泣兒兮勿泣恫母心兒有母答我衣濕

還家

關河苦說太多多蕭颯江淮尚轉蓬但使有田供抱犢誰能計歲躅飛鴻
六年欠雪還家夢千里帆幢落木風丹嶂黃泥前約在分明慙愧此山中
贈趙參將

虎落巡邊接豆盧鯨濤動地戰蒼梧未聞宿將疇千戶坐聽辭官汎五湖
塞上何人驥得馬山中無事看驚飈要知陸賈歸裝富意氣還愁白屋儒

讀史雜感金州歸後作

章武開基絕可憐坐看談笑蜀宮絃生平不侮南陽老尚覺生兒是象賢
蜀漢後主

到口笙簾雅自精青驢白馬任微行宮中不少穿鍼女看挾千錢向輦營
宋後廢帝

曾敕皇孫愛手書東宮哭拜與親扶何堪正寫中央喜猶聽牀前喚阿奴
齊廢帝

淒涼玉樹後庭辭叔寶心肝大可知狎客不須誅孔範都官猶解五言詩
陳後主

自題畫象寄畏皇廣州

虎頭食肉更何因歷落欽奇可笑人不分遊仙期郭璞敢將達旨擬崔駰
歸來萬里風雲氣苦憶三年嶺嶠春寄與戎旃相對坐江梅着蕊正霜晨
送梁編修鼎芬歸番禺二首

聖代能容直封書未是狂九關騰猛虎一角弄神羊山水知應壽函刀故有鉉沈冥看六合吾意為蒼茫

去國猶常度無家苦說歸扁舟窮瘴海九月惜芳菲古意論文在良才與世違天寒烟水濶慎重雁南飛

題王君泰山感舊圖

庚辰吳武壯公長慶被詔入都道經泰安因與幕客楊安震彭汝櫬及謇同遊泰山題名快活嶺後八年王君過而作圖

豫生抵死為知己孟德欺人殊不才十載報恩猶有字千金延士更無臺愁中落葉秋千片紙上招魂泣幾回太息王生懷舊處雲根題字黯蒼苔

題梁節盦青天倚劍圖

長鋏無端掩陸離申茱萸桂鎮相思未應晞髮陽阿日浩蕩靈脩不汝知一劍防身任薊緱連天海水正殷秋男兒要識君恩重留斬名王席上頭

李太令索贈

李侯始為政昔在楚棠間中格三年攷移官兩髻斑地偏行法易兒好讀書嫻却憶同遊處風泉滿定山

題翁鍊梅長森詒研圖

去年落木江城夕顧五清尊餞歸客坐中翁子五尺長玉貌皓然瑩久雪重來江上春正寒示我研圖先世澤面背兩側字十行紙墨相妍潤寒壁攷其失得幾滄桑甲辛乙丁漫成昔晨窗坐對長嗟咨我未見研研有辭萬世子孫永寶用比於夏鼎商周彝世間珍物豈不貴以人壽物賢者知翁子溫文衆所羨況有真質相磨治為誦杜陵石研詩無負起少明光姿集杜題仕隱圖應范月查觀察

大雅何寥廓先生藝絕倫詞林有根柢文雅見天真浩蕩長安醉行歌泗水春生平江海興寂寞向時人

矯然江海思進退固其宜金璞無留礦麒麟帶好兒羣公紛戮力此道未
磷緇鑒激勞懸鏡風雲若有期

昔悔

少壯事行役悠悠十餘載患難亮非一犇走亦云殆北尋微間山東汎渠
弭海之罟碣石間風濤去來每陳軍集子國玉劍憂庠鎧當其壯往時盛
氣輒百倍束縛報恩私功名置有待風雲一朝變苦心聽功臯浩然歸滄
洲徘徊惜文彩皓鶴乘戎軒置身已凡猥況與雞鷺爭但見鷗鳬餒往計
真自疎來轍庶幾改有宅一區存有田一壥在農桑世所業茶薺吾可采
撫今睠矚昔慷慨有餘悔

種樹

不為江海人當勤稼圃計圃逸而稼勞擇焉力其易朝繙種樹書夕即老
農弊商量百晦間隴畝有餘地暄之欲通陽漑之欲瀕溼荷鋤請自今永

言敦樹藝

種樹不種籬樹成無隄防一舉兩善兼分畦樹榆桑桑葉供飼蠶榆根供作香移栽二千本疎密各相當愛之如嬰兒護之如恐傷期之十載後桑好榆如牆

岡桐實可油厥產盛於蜀女貞若烏桕元明始著錄本大云及拱實石利三斛緣渠帶脩陂割地妥諸竹棗柿桃李梅枇杷數株足生用求實際不取但充腹

嘉木旣蕃殖欣欣有餘歡衡塘及從渠井井不相干呼傭種菱藕風葉媚幽瀾婦孺識茲趣大人時開顏懇懇與僮約勿厭督教煩信能灌園老何知行路難

開封寄懷鄭太夷江甯二十韻

三月丹陽郡兼旬太守衙相過交宿轍一別汎歸查到海春波壯連江夜

雨賒贈詩真可味相厚欲無涯自以孫嵩弟還隨鄭相車通津時易檝暑
路正嘗瓜入洛庸堪喻遊梁自昔誇吹臺看削律壽嶽失谿谿塹陸衢成
澮郊荒海是沙塔零嬉鰓鰓河險走龍蛇幾易隋隄柳都無定邸花灰塵
魏公子禾黍趙官家代圯城頻累時艱吏尚奢千錢徵膾鯉五命盛驂騶
文物懷司隸風流蕩永嘉侯生從家寔鄭驛暫要遮憶子騫雲鶴憐余失
侶蝦欽奇天所賦軒輊世何加魯國諸生賤陳留父老嗟獨能無意嚮常
此負桑麻

送徐大歸淮安

八月河南決排空萬派渾魚龍驕白日鴻雁滿中原送子歸淮浦秋風下
海門獨憐千里外東望有驚魂

題歸舟載石圖卷子

圖為杭州吳鍊琴刺史道光中葉歸自鬱林所作卷首五字阮文

達公元題刺史文達公甥也

鬱林山水控蠻天刺史風流到眼前但識畫圖珍拱壁都愁巨石化雲烟
外家況源儀徵舊後嗣能為甫里賢今日牧民須美政幾人清德與俱傳
書懷示同里生

千里仍為客三秋未到書親庭應念子稼事定何如夢去黃流斷愁來黑
髮疏愛君為同里強得話鄉閭

桃源旅舍有感吳武壯公

一年再過歲庚辰素鞞燕齊萬里塵橫海況隨天仗遠度遼重見使符新
烟雲蕭索籌邊府詞賦蒼涼給札人縱使頻來雙髻好獨能無恨向關津
徐州道上

芒碭山荒大澤空駢車馮吊太匆匆等閑戲馬呼鷹事付與西風落照中
王尼露處愁方始枚叔歸來髻有塵今日中原須將帥吹簫屠狗更何人

雙溝

人人愛說江南好才入徐州便不同風土不妨仍廣漠山川自合產英雄
時因水木來清氣難得盤飧有古風昨日黃雞兼白釀驩然酬直醉城東

張孝子詩錄卷六

自光緒十四年戊子訖十七年辛卯錄六十二首

南通張 謇

為曹大令懋功題其祖曹孝子閩歸集

閩海波潮迴江天日月高斯人傳孝義遺詠見風騷明德開孫子交驩託
掾曹獨應慚執紼猶與誦伊蒿

清河至贛榆道中十首

三載三經公浦路東西南北鎮勞人無端磊落欽崎客又向荒涼寂寞濱
舟車再易太匆匆中運河千載短蓬儘有春愁消不盡船頭聽雨又聽風
聞道河流足運鹽春來浮送不須錢何當一片西來水流到梁園舊客前
高岸平陵接下陂春陰滿路釀黏泥烏犍逐艸都閒放小麥抽苗已斬齊
盡日迂迴苦計程山川風物證圖經唯聞板浦供酸酢安得雲臺劖茯苓
上市葫苗正及鮮販魚車子更田田今年海上真豐稔日日微陰小雨天

甃池漉井疲村戶覆蠶種墟祀社公直是民貧祈報儉不如小鬼在秦中
不蠶不織不晨梳村婦村娃日坐娛誰復長官林大埔前海州知州林達泉木棉種
絕女桑枯

防倭自昔海東頭列戍連烽亦大州容易麻姑見塵起幾檣今不度鷹遊
江南三月亂鶯飛故國風光客所知愁絕滄波千里外東風裁到野棠梨

太倉知州莫君善徵祥芝挽詞三首

上相專征日羣公際盛來十年參幕府百折試雲雷洵美邦之直當官衆
所推開明兼理幹吏事有天才

治亦循貞定名還偶邵亭君兄子德先生友芝父兄今絕學儒吏古通經一謁文翁

舍重陪單父庭即談農圃計都見老成型

卜宅終何許歸田事更虛空悲田豫志未報秣陵書京國炎風苦婁江夜
雨疏淒酸懷舊德經過益躊躇

檢書看劍圖題辭

兔園挾冊擁清班馬廐搖鞭亦大官寥落西川杜工部真將窮餓怨儒冠
學書我亦鈍如椎仗劍誰能氣似霓即事語君成一笑人間得失萬蟲雞
歸田園題辭

田野由來好園林況爾新人情愛芳艸天氣惜餘春絲竹中年感兒童退
處親看君圖畫意吾亦卷風塵

寄叔兄江西四首

時將至梁口釐差

往君初出門秋原帶殘暑一會涉冬春宣南三日佇萋萋冰霜枯假歸再
相聚首尾三載中遭迴幾笑語繫余兄弟間離合動乖午江淮與遼海蹤
跡紛可數況乃杖孤策難難客都護辰商而晉參彼此各易處安得少小
時歡然相翕煦

宦海瀕無際因風湊羣漚偶焉寄其間寧當計湛浮豈無非常士束縛不

自由豈無學道人湛冥終白頭君初仕為令俛仰滋慚羞苦心耐煩辱以
赴繩墨求決獄亦細事安貧性所柔何當百僚底歲月聲名收豈不賴抽
激長官要相優人貴彊自植公道無時休

天下苦兵爭乃假車船算朝廷有本意何云較均幹游民與冗吏緣名利
龍斷下各飽所私上猶中課勸嗟哉道路忙步步澀憂患我家世力農辛
苦自習慣君讀從政書一編曾繾綣民隱當蘇存官用有程憲平亭斟酌
之兩全豈無間幸可為孔戣尚應恥劉晏

常熟

翁尚書
同猷

昔謂君理幹過于李謂君甚謹質吳縣

潘公祖

文勤所為地子培

當代賢獨許悃悃吏長官最君能而復兩其意體用略在茲充盛固匪易
世當多難初生居衆人裏虛名為寔因橫福來鬼忘儉德以自臧令聞保
終始載詠小雅篇深維脊令義駒駒遠相勗秋江水千里

奉和袁爽秋侍御都門贈行即用其韵

云胡昔不樂挂劍客江介顧聞桐廬袁乃適以茲會無端京師遊素冠逐
飛蓋旅居隔衡街叩門得所屈寫誠款通襟高言破纖瑤當時宣武南風
節盛冠帶名竟氣以囂道長理或泰自此六年別人事日徽纒君方仕為
郎默守柱史戒下走遼海歸氣與風濤汰所更寧一端坐覺胸次隘退求
農家言達希笠澤瀨開門偶應舉小祿庶以賴不為大敵勇敢同衆人敗
君方備臺諫智略洞中外我我神羊冠耿耿朝鳳噦上以啓堯舜下亦厲
曹鄣何當羨歸耕邀馬寄深喟

出都酬沈子培

被放歸時子培方病臨發之晨東詩一章蓋中夜而作者車中往復悽
動心脾甯惟離別之傷抑亦風義之感因酬二詩

六載經三別連懽得幾朝有時偕近局相過必中宵孤憤融朱穆虛懷禮
鄭僑由來隔衢巷尚覺路迢迢

祇我成樗櫟虛君卜如茅高深文字寄堅苦雪霜交斯世當相惜旁人或
見朔秋來寥落意斗北向珠巢

子培所居之街

附子培贈詩

荒塍重為別意氣不能驕病假衰顏示情緣減劫饒定心知憺憺削櫝
想迢迢有約張元伯無令歲過交

聞下斜街舊廬因雨盡圯寄可莊勗臧弔季兼示蘇龕

但不求通百不窮權之自人天無功天巧有時偶相值意存避就非英雄

都門二月上名牒稅駕初主含山翁

嚴編修家讓

冀除所舍使舍客老屋搗郭

裁遮風提書超試客既去一夕柱折頽垣從巖牆知命古所訓推宅相借

君尤通下斜街北街之東廬舍古木疎篁中晨興愛坐几席綠夜歸遙識

簷鐙紅漫然從人攷坊巷查家舊址塵冥濛况乃居此董市月拂衣南下

旋歟歟文章猶自愧方叔宿處誰復知林宗成以何日敗有數屋不負人

天至公生平恥說王夷甫天下何來石世龍

檢粵雅堂叢書寄王可莊修撰

楚庭耆舊盛吟盧百八叢編易世儲豪舉猶徵民氣樂肇刊況直我生初
書凡百八十五種咸豐三年伍崇曜始刊自
三編序滄葦書目後光緒元年伍紹棠刊故人拜賜珍千緡使者歸朝
載幾車辛苦人間有林竈肯令感激飽蟲魚

題安吳包倦翁論書篇後用東坡醉墨堂韵索子培蘇龕和之

古今評書究筆法如入市閨常不休安吳晚出獨精絕挾摘劉露神鬼愁
其言洞洞豁翳障以方度禮彼何瘳校量南北別宗派大都得力山東遊
軒劉壩輕翁方綱訂蘇董妙解時足開煩憂於石辨墨論尤舛但史非士

誰當羞自翁去後四十載來者相踵如成邱撥鐙聞之李大理聯琇暮年

悔者何道州紹基間從濂亭武昌張裕釗叩要領平腕轉筆資推求雄強洞達

始平寔遠効寧可旦夕收沈侯於此信非袒鄭君所得今已優相期努力

造通會無嫌墨潘烏菌稠

初秋偶興寄蘇堪

秋至忽如客遠歸差自賢得倚老親疾重翫閑居篇支牀就紫簾薙艸清
垓埏檀因辟惡熱茗以益思煎佳日輒有會新涼時一延薦新得明齊分
餽招華顛桑紺夙醅釀穠碧初餽饅錯兼紫文蛤鱠佐黃頭鯪本非極飲
饌不取甚濃鮮諧談落纖緯既醉猶初筵有時督園圃任意從林泉與桐
釋縛蔓為芝彤叢蓮辦榆郎姑種展竹西南鞭花幽桂樹短林晶柿寔圓
卻病備杞鞠含芳愛橙櫟來鶯語已熟孳雀巢所便狀隨艸木叩經略禽
魚詮廣之通異域證之寔前箋或讀道書罷或諷仙詩焉所規扶海垞甯
減桃源天得地且種樹買隣安有錢懷哉鄭夫子京國方速邇嘗訂元白
約共追皮陸緣此事竟何日懸慙企歸田晏歲當乞假過江常有船倘來
菰蘆中歡喜聊周旋

題縵卿所藏徐高士^榜畫山水

往歲深冬月在子曹侯楚然款門至手中一澄絹本畫自云所得頗匪易
侯家家世本長洲亂後還家認鄉里湖田歷歷但荒虛山市蕭蕭羸戰壘
罕從故闕論收藏時見老兵賣縑紙售金易餅都適然寶鼎康瓠亦聊爾
眼明尺幅煙雲開題名上方徐侯齋旋驚又喜姑置哉聽持之去與之偕
瞥若重遇臨衢街招呼共入酒家飲一斗竟博涼州回裝池鄭重得完好
懸供高閣賓尊疊徐曹先世故親舊相對一日三徘徊我聞高士暮年築
草堂恰枕天平麓斷書甲子永初年謝絕車徒子真谷偶然作畫易所須
來往人間驢徑熟畫本巨然參倪黃此仿闕全信晚作高裁二尺三寸強
應知略稱驢肩麓其年干壬子文曰申去高士卒周雨春當時所畫豈一二
散落所獲彌瑰珍靈巖支剎高嶙嶙山水如畫含清醇祇今世習鮮卑語
不見長歌肥遯人

錄甲申以前詩八十餘首寄石公附東三首

昔我嘗為益山客今年盡讀益山詩湖山到眼秋仍好冰雪看君世未知
滄海東頭鄭舍人歸時時復壯君貧祇今誰是談詩侶拾橡山中正苦辛
工詩何與窮愁事藉遣窮愁亦未賡我已安排扶海垞不妨早晚寄吟箋
辟廬喜晤石公敬懷桑根先生

邂逅曾無約羈紲尚此才文章池館託風日酒尊開便使登三策都應感
八哀永令堂下路落葉浩成堆

河督奉新許公以哀逝百首見示奉寄

傳聞都水擁旌旄大月東西喝伐高一多悲哀纏百詠幾人銘誄禿千毫
愁中魯酒真嫌薄塞後宣房正復勞鈴閣宵長官燭冷通禪參佛故應豪
為王子翔度常題其太夫人課孫圖

通德高門世所聞蒙陽高節况嶙峋貽孫至老傳經學有子登朝侶近臣

差幸五化榮一命故應寸艸負三春傷心獨對南風棘四十平常下第人
奉呈常熟尚書四首

東坡初出門獨嚮歐陽子昌黎掖後進拳拳在張李古人慎所緣身名託
終始攀躋猶及公州郡忝鄉里十年遼海軍苦辛狎泥滓公與幕府賤問
訊報書尾知公大雅人等閒不足儼憂患能知幾恂慄斯有斐

少小盛氣志頗亦羞羣狙家世服農畝不眩車輪朱上稟二人訓下規千載
圖江河絕東寫日月駸西徂中間氣振蕩萬物飛蓬俱常恐願力薄墮此
禮義軀悠悠迫中歲四顧增踟躕踟躕思古人遙遙唐與虞

寸志不可遂萬事皆塵埃猶是中國民帝京時一來昔歲荷推舉冥冥如
天開公今再薦士隔絕中路霾由來得喪際出入材不材公心照四海涕
泗生枯荻不遇故細事纏綿惻中懷丈夫尚施報所報安恃哉

昏昏九衢塵有官未云樂騰騰萬人海機利迸鋒鏑獨念平生交肺腑相

煦燠驅車出國門連朝輒心惡况與夫子親眷疎重邱歲八年四回別此別非疇若才鈍語易枝成均慮無端江鄉有閒田先歸料鉏耰

瑞安黃先生以六十自壽詩見示報罷將歸賦詩為獻

當代皇家瑞昭昭獨有公舊勛契彭左清望厯咸同報國成孤憤容臣是兩宮推排何所憾瘡俗况兼聾

一被論兵罪終遷執法官人專司馬節朝重惠文冠無補臣當去塵憂帝未安角巾栖輦下烟烟此心丹

却貴求貧樂嫌醒被醉譏就花親寺院賒酒量朝衣有子賢能孝無田隱當歸當筵誰奏笛猶唱鶴南飛

魏足年家子叨逾不厭頻分均諸弟列愛識夫人真將夢扶頽翼增酸撫困鱗唯餘一寸意長願百齡春

被放將歸意園祭酒貽書謂僕與君文大似余廷心之於戴九靈時

人擬之秦不華之於煮石山農者妄也謬何足當斯語重悲感悵
奉詩呈別

有蟲無堅堂有螭無完胃堂傾與衆罹胃腐獨身崇浸傾浸腐時相忍用
深諱一螭一世界一蟲一智慧奈何胃與堂如聞結遙愴

范武但祈死正則能哀歌其言至傷心荒忽搜天魔分止推一身報君理
則那高皇有成命肺腑凝山河性命有事在憔悴將如何

大構非一材大樂非一器材器無小大欲儲辨真偽千金買跛驢良馬將
不至寸轡控飛龍應者皆下駟君子貴知言與人見真意

長河有伏流冥冥自王屋及其出地時所在怒漩復操舟試中流不到更
無陸國工臨劫基先幾料收局假哉一子顛奚翅衆人辱

少年攬八極常懷無窮思臨當軌轍阻方悟輪轂非不當改輪轂將歸中
薪炊戢影事耕釣四十更不遲徐茅中路語謬也聞知之

夫子枉相假自來太學初遭時一詬斥所假彌有餘深心出苦語校量攀戴余天命人事間獨公費踟躕流涕望千載息壤猶區區

因勗臧舍人索諸果木於馮果卿同年

汝桓

百年已決為農計四海常參種樹書都到馮園名日下千花萬藥衛精廬江鄉翠桔不易得文果哀梨得更佳期與清溫長孫子不愁變枳橘逾淮馮君尚有河南樹乞與更煩王舍人引水開園甯小事安心接待九州春為祁君房

師曾

題張石公錢獻之石經題名冊

乾嘉老輩都堅卓便好虛名亦認真韋氏一經家法在期君不作等閒人中秋日附舟省叔兄於江西

去年重九日霧曉出江壖歷閨裁周歲辭家又趁船秋隨佳節換月向旅人圓未甚悲離別匡廬在眼前

至貴溪喜晤叔兄

連山落水到灘分，枕水山城帶暮雲。
入境但饒風俗簡，逢人已說長官勤。
文書堆裏鴉翻樹，衙鼓聲中豕散群。
難得阿兄真耐苦，歸能歡喜報嚴君。

別叔兄歸里

見惟旬日別經年，臨別朝來倍惘然。
量帶略同三尺舊，檢梳時訝一絲宣。
人間憂樂都無賴，海內文章亦浪傳。
隨分終期早歸隱，艸堂果木半齊肩。

古樟

翳翳陰崖日沈沈，絕壑飈孫枝千象肘。
別幹五牛腰，積葉從教腐。纏藤亦自翹，
但無雷火及山鬼。儘招搖。

玉山女

迴溪綠層巖一掩，一重間過客時停。
矚村妹有好顏，芙蓉當粉靚。茜艸為
裙殷不羨，藍田璧兒家住玉山。

明日

明日仍愁雨來灘已恐人歸心千里疊殘夢一燈親

雨中望上饒諸山雲氣

將雨山雲忽際天有時山忽上雲顛晚來更被橫風擾萬點青蒼盡化烟
東崦纔晴西崦雨南峰旋沒北峰明不知何處雲無事坐聽灘頭新漲聲

上灘二十二韻

歸路初梳迴臨灘拾級同水從玉山下舟潯貴谿東磊砢連層碎陂陀會
一缺砥痕新漲到礧道昨宵通隙隘流逾激巖回瀾復冲射催千羽勁挽
失萬牛雄大達翻平妥將旋卻渾融自然成搏躍一瞥遽投空灑灑驚翻
鶴輝輝沒飲虹亂披琬玉佩纖次水晶慈組練飛旂撓琉璃覆盎盎跳珠
聽的歷噴雪併玲瓏正爾諧琴筑時還中徵宮蘇眠蠶簇葉含陣鳥喧叢
洶洶睛都眊囂囂語忽聾蘊修齊偃碧楓落偶漂紅響近兼知碓停多欲
下畎九支九折阪弦鼓六鈞弓夜嘯愁山鬼朝洒見裸蟲更無巫峽夢况

滯石尤風傍鶯頻炊飯窺魚輒柱蓬未妨歸路緩鎮日數南鴻

水碓二十四韵

長戔忽盈耳前灘已當目砥礪燕尾分磔硎魚鱗感場一弛一張水一要
一束據險利相遮吸遠勢逾蓄急溜所推排輻輳至神速層阪躡圓梯飛
輪幹長轂飄沫細如霏旋注驟疑漉但覺軒輶中未嫌機巧熟尹嘜軋復
鳴自礧響更續一鳴已一周一周知幾蹴館轄脂兩頭牙業森四角時後
而時先更起而更伏或如雞引吭或如鶴俛喙或如龍爪擎或如象齒卓
騰中如投壺迴空如噏鞠吐吞利白散牽引與礧觸何分枕秫舂以次糲
稗齏得糠豕鬻鬻爭栖雀吟蹕家家連平糴處處蔭脩竹稻擔時去來篝
火夜呼督舟行豈不妨民用庠以足誰歟衛尉專邈矣征南作隴畝思故
鄉川澮在平陸秋收及是時曉晝正相屬

張季子詩錄卷六終

張季子詩錄卷七

自光緒十八年壬辰訖二十三年丁酉錄五十二首

南通張 謇

嘲吳彥復

彥復藏昌化石甚富曾為題匣時方納姬詩以嘲之

幾年京國吳公子買石揮金肯就貧亦幸尚饒花乳艷不愁壁立對佳人
才能摹印偏工懶日日高齋尚愛眠祇恐他年韓約素人間無限印文傳

寄酬查翼甫同年

十年鍛羽向衝颺垂去無端上碧霄臣尚有親新受祿世方多難卻登朝
樓船橫海消金帛詞賦長楊狎翠茗差有寸心堪報謝由來生計是漁樵

題松鶴圖

養鶴應增二頃田種松繞屋長風煙縱教此事都難得畫裏婆娑也自賢
崢嶸卷裏題詩客寥落人間感舊銘真覺臨川李廷尉著書不負草堂靈

奉題江寧顧氏忠貞錄從石公之請也

王師失律遼東日
吾友從征幕北時
軍府文書臣以告
儒門忠孝帝知之
九原白日昭昭在
一劫沈灰泯泯遺
援鶴沙蟲紛滿眼
更無人覺可勝悲
太夷置酒吳園修禊

陰晴無定亦良辰
寂寞相娛祓禊人
野漲乍渾寧許盥
林花未盡不妨春
當杯儘聽前朝事
賣藥由來海上民
滿把芳蘭勞北望
招魂續魄自今頻
禮卿約同小山石
公太夷雨中看牡丹
用石公均

重陰漠漠亂城鴉
積水塘邊舊史家
雨自作泥寧失路
天能養葉當扶花
呼燈近壁開書幃
沽酒分錢數畫叉
儘有閒人消令節
不愁敗興到天涯
唐夫人百花圖為
鉅華太守作

久絹三尺皎如雪
當花展之雨愁絕
千藪百鄂相撐擎
寒女機絲幾回結
太守夫人真爾閒
調鈿吮朱黛盡閒
不須白壁買奇婢
坐憐灼灼金釵環

我家有屋滄洲上花藥臨窗高下向欲憑長句換丹青更乞餘芳作綾幘
同人集書院為自會石公示所作詩依韵荅之呈諸君兼懷前院長

武岡鄧彌之輔綸

延祖丹陽會溫公洛下英際時皆浩蕩有黨各聲名未覺江山變相憐意
氣生酒徒今正少不醉若為情

雅復成歡笑隨時得靜便住仍詩老席歸託釣人船春去清觴裏山來短
檻前料能成勝事有暇即周旋

石公招集龍潭餞春和伯虞第一首韵

人間直把春償酒吾輩何因醉問天近水遠山看老大落花飛絮故芳妍
詩成欄角聽鶯坐客散城陰任馬旋但苦茲遊未能數等閒樂事要誰傳
吳園看花藥茶麝次所語示太夷三首

取次園林只看花茶麝芍藥一春賒主人早向神京去我亦花時不在家

垞中最念方橋好非閣非船與夏宜七尺釣竿三尺簞夕陽裁去月來時
海東尚有棲賢地薄宦終應子不堪安得剡溪錢百萬更招沈四與丁三
題陳藍洲山水為石公作

溪山成水墨艸樹入煙雲劇愛陳明府將酬顧廣文幽深諧小築寂寞慰
孤醺亦欲攜家去桃源我所聞

題遜窟圖

滄海橫流劇林皋遜窟尊安舒容草木佚蕩到雞豚即此尋虞夏端應長
子孫伊川騰讖久谷口與誰論

有感五行家言

秀才席帽春秋試五行家言貨奇秘某干某支配衰王一以天然位人事
賤子十六隸學官千摧百挫生波瀾桐城夫子慰顛顛懸格比例顧與潘
亭林生月午年丑其日干乙支在酉潘年月丑系己丁日時己卯兩干偶

亭林絕學今先河潘福庸庸古稀有歆潘景顧任所擇顧逸民耳潘貴壽
賤子生年潘顧間四十過二窺朝班拙身江海雜漁釣甘自廢棄蒙群訕
五行鑄不到肝肺天亦自拙人自頑高歌赤足荷鋤去一笑相惜州南山
東城

閨絕東城路分明七載前西流春漲減北轉午風偏驟暖裘知重仍情艸
欲妍故應鄉國好行李尚年年

病齒示家人

上池輸潤遽失職左輔煩煎殊苦人歌枕拄頤成獨笑丈夫底事效卿顰
過剛必折相貽戒倩君有馬卿度幾短什聾牙堪誦否不然叩齒驗靈飛
東臺謁外祖父母塋志哀

曉出北闕橋萬塚荒纍纍微雨勢初止野風寒正吹啟輿問遠近約略四
里差回溝抱塋角金氏塋在茲塋凡十有三園列隄半規我外王父母居

中獨崔巍陳牲醴再拜口默心致辭孫年八九齡聞母在室時外王父先
卒門戶王母走道光中歲後五歲三苦飢亦有舅七人各有婦嬰婉棘棘
不相保角張自營為王母慟失明與母窮相依母以十指血易糴供娘糜
自屑豆蔬覈雜以微鹽羹王母偶啜嘗撫母淚交頤謂兒十分苦兒苦蒼
天知自母歸府君歲月有遺貽豈得甚甘好故亦窘錢貲自王母之卒母
心蓄沈悲望孫早樹立挈孫瑩前來嗚呼母不待孫亦實不才悠悠十
六年始得瞻天墀又以府君恤復爾三年遽今日一尊奠母也甯見之母
既不獲見九鼎皆塵錙飄飄紙錢燼爛爛宮錦衣紛紛路旁人煒煒人間
兒

重過如皋學宮

泮林煙樹映池茫衙舍陰陰樹底開胥吏宅多三世易校官碑又幾人來
蘇春庭草猶堪跡認客巢禽本不猜身世難忘桑下宿恩讎何處溺餘灰

江寧送內子歸海門

為嬾廿三載今春始出門釵裙謝時好藥食為醫論住乃縈家政歸歟警
客魂煙波江上路風雨近黃昏

寂寞雲姬病吾寧不念之夢蘭人有說驗艾子當知圖籍兼料理園林必
護持還應共貧久辛苦歲寒時

題太夷濠堂用原詩首句惜哉此江山為韻

東風蕩殘春白日笑羈客亦有宵眇心胡為聊浪迹惠施與蒙莊由來視
莫逆招呼鍾山雲出入長安陌悠悠二十年壯盛未容惜

杖策昔從軍東登箕子臺君從及木下弄摩日珠回當時一張口氣尚凌
八垓風輪儵旦暮親見揚塵埃蓬萊已陵陸滄溟何有哉

沈沈久雨雲混混下江水水去不復回雲開故有侯坐憐浩蕩中萬億流
離子虛望將焉酬空悲亦可恥天地有端倪俯仰究終始及時且寧靜丈

夫要如此

進不苟懷祿退亦非迷邦看君百僚底磊砢無等雙一堂據濠上不厭隣
家呢雞犬瞰其落日月臨其窗高枕晚萬里白鳥橫烟江

云有汲汲志盡日常閑闕遂謂蘄蘄人開門容荆管群詷理孤笑時復相
往還臨流弄清泚憂來替以歡君其理漁具我亦投朝冠明年富春渚一
路尋黃山

與太夷故
有此約

題揚州鄭茗仙女士畫卷

畫中前輩女中師萬劫冰霜絕命詞儘與流傳等閒事不應短氣有男兒
聚卿積餘茗生招同繆小山譚復生楊仁山鄭太夷鄧熙止顧石公
觀水嬉秦淮熙止示詩和韵奉荅并呈諸君

去年獨向潤州回高會重逢此日開羅袂隔簾涼看雨畫船疊鼓晚轟雷
老兵記室誰當任置散投閒亦要才長笑新亭成底事鎮須佳節且銜盃

題秦淮圖

汴京亦有上河圖白下曾聞板橋記從來士女管興亡恰好笙歌緯烽燧
秦淮來潮兼去波赤烏洪武皆蹉跎河山風景等閒耳子弟爭傳桃葉歌
經通州西亭雜感四首

荒林古剎傍城東三宿倉皇記舊蹤少便支離成懵懂不曾解聽飯餘鐘
東門門上有高樓少日憑臨幾度留老嫗老兵都不在支柯絡蔓女牆頭
橋南大宅舊名莊廿五年前杜牧狂客自不來人不待碧桃花底幾殘陽
市河小閣矮闌支愁絕扶春照影時祇是蒼波流不住少年綠鬢照成絲
書陳節婦殉夫事

英君控八表貴能得死士士苟為人用其賢能義死況於匹偶間結褵具
終始天故不必仁冰霜概蘭芷一言既心許丹青踐名理古人豈不然弱
息事愈美鼎鼎百年節忘身識良止浩浩同穴人偉哉陳仲子

寄內子並示諸姪九首

四月江頭雨黃昏送別歸祇憐分寂寞中夜一燈輝
側荔纔傳訊連聞唱惱公商量歸慰汝不惜太匆匆
張角衰門甚旋拋已壯丁還勞張筋力禮佛乞寧馨
心燭能承月分光共不疑宵來聽經說歡喜詠螽斯
亦念離家久秋餘接夏前無多行篋物來往著輕棉
江潮自有期江船在來處吾自送將歸若歸有儔侶
向曉出重閨旋輿已過辰院花猶媚主梁燕況辭人
棄地無殘綫臨窗有淨燈空閨時獨檢解事汝曹能
明晦占風雨波濤念起居到家應早晚直待到家書

題陳駿公太守峰泖官隱圖

偏仄難容隱誰何尚愛官止當人自力差覺世猶寬太守年時政吾儕古

處看釣鼈如新竹唳鶴更尋灘

題徐積餘太守定林訪碑圖十二韵

丙申七月積餘與梁節庵鄭太夷劉聚山况葵生周儀同遊鍾

山得陞放翁題名

南宋馮江險鐘山略近邊寇氛時可及過客每潛焉為問開禧代誰如務
觀年瀘梁老羈旅河洛概腥羶白髮來遊偶蒼厓姓氏堅夷吾今亦絕謝
客故多賢七序悲梁竦三長愛鄭虔徐劉才譽並走許勝情聯石墨猶堪
壽文章各自憐追陪吾闕憾圖畫世流傳林壑看成史江河莫問天祇應
開北戶終日對雲煙

贈陳諒三大令

謨

侯官制府桐城守吏事推君必絕倫藻鑑風流今已寂高塗捷騁豈無人
九徵未失賢明度一笑相看淡蕩身便願為農栖海上好官誰復使君真
積餘屬題王暢甫曹墨琴合書前後赤壁賦卷

楞伽晚師劉石庵婦曹亦學文衡山盛時韻事易美滿往往墨妙流人間
東坡赤壁賦前後分寫合作雙玉環甲寅到今百餘歲世事萬變風中瀾
徐君嗜學有好婦寶重此卷琪玕玕徵題絡繹盡時雋范姚着意窮追攀
詞章傳否亦有命煙雲一笑烏絲欄

積餘屬題顏平原麻姑仙壇記吳珊珊夫人故物

末有題云乙亥春日賜次子雙蟾次

總若君
珍藏

消災經與仙壇記楷法精能拓亦嘉檢點百年雙押印丈夫得婦是徐家
積餘屬題狼山訪碑圖

楊吳天祚題名日鯤壑中央見此山不待千齡變滄海竟成一掌控江關
沙人香火祈田處太守林巒剔蘚還見說魚龍方曼衍何當援鶴共消閒

張季子詩錄卷七終

張季子詩錄卷八

自光緒二十四年戊戌訖二十七年辛丑錄五十首

戊戌正月十八日兒子怡祖生志喜

南通張 謇

生平萬事居人後開歲初春舉一雄大父命名行卷上

乙酉順天鄉舉履歷先子豫命今名

家人趁喜踏歌中亦求有福堪經亂不定能奇望作公及汝成丁我周甲
摩挲雙鬢照青銅

奉送松禪老人歸虞山

蘭陵舊望漢廷尊保傅艱危海內論潛絕孤懷成衆謗去將微罪報殊恩
青山居士初裁服白髮中書未有園煙水江南好相見七年前約故應溫
題華亭耿伯齊歸山靈夢圖

三泖五茸旁機雲有草堂風流未容歇門譽遠相當生死通靈款神仙不
渺茫寧無悲馬磨豈解愧參商

夢中登陶然亭

往來京國十年勞，坐覺江亭爾自高。
檻底殘陽山歷亂，簷端驚雨樹刁騷。
津梁歌哭終憑寄，裙屐嬉娛儘有曹。
欲去蒼涼重回首，東邊壇宇倚天牢。

贈宗室伯弟庶常壽富

才難未覺古人同，天意寧教四海窮。
坐閱飛沈吾已倦，禁當非笑子能雄。
商量舊學成新語，感慨君恩有父風。
但使騫騰猶等輩，要回魯日更朝東。

留別仲弢

拂衣去國亦堪哀，辛苦男兒草莽來。
直分儒冠稱溝壑，何知人海戰風雷。
嶽峙似我歸猶得，祿養憐君氣益推。
閩縣已亡丁沈散，更誰相煦脫嫌疑。

都門別李磐碩

少年角遂兵戈場，京坻重逢各老蒼。
亦以生涯憐顧范，顧延卿錫爵范肯堂當世每因

才調感朱王。

朱曼君銘盤王雲梅尤

家貧官隱都難好，世亂溫恭要有常。
早晚儻尋

鄉里約荷鋤同看海東桑

妃太夫人壽詞

同歲徵才子江南得二姚
皇衢驟裏絕域詞天驕
義訓嚴君懍虛聲策
士消白華馨爾膳真覺養堂超

奉和瑞安先生二木歎

作噩之歲膠澳陸盲風忽卓單
鷹旗碧瞳耿耿羣麋麋毀摧聖象成雛嬉
此語一日聞京師諸儒訟請責問辭內木曰咄外木曰盜鐘掩耳騰其欺
慈山老人奮直筆家父凡伯攀周詩傳聞歐美尚教化畢斯麥亦酋之耆
此舉乃類盜賊為治兵無律猶吾崔固知天心未厭亂群教混混陰陽疑
終有一是定百非六經大道天網維仲尼日月何傷夷尊奉原不到狗雞
吾將剋彼畢斯麥彼二木者惡當之

呈松禪老人

樓臺無地相公歸借住三峯接翠微濟勝客輸腰脚健憂時僧識髻毛非
尚湖魚鳥堪尋侶大澤龍蛇未息機正可齋心觀物變蒲團飽喫北山薇

題陳氏焦桐滌硯圖

錢陳舊閱乾嘉代遺卷風流儻百年一束芑稂時變亟幾家喬木世臣賢
小儒遭際真須命故事流聞亦自妍二老東南頻寄問巍巍純廟是堯天
過太平橋

舊場廟外太平橋疎柳叢蘆漸向凋林月濛濛天影壓岸風颯颯漲痕消
乘除世變疑千劫游釣童時亦兩朝感逝弔亡成底事漁燈蟹火儘無憐
曉出江寧

曉色啟重閭寒光動路塵雪消山判脊冰坼澗張鱗竭蹶淮南振流離道
左民出城時一慨等是未閒身

州城書所聞四首

近郭曾聞逐馬嘶馬餐豆麥不能肥年來比戶差安穩號馬三營日漸稀
總兵高興治園亭卒走官駝未許停皮骨縱能要樹石朕舖端合帶罌瓶
茄鼓喧吹列仗寒新郎騎出萬人看莫唾園隸霜衢蹶軍今朝厨禁賞餐
例規未與額兵裁攤扣差錢按日開沙布蕩柴剛納罷石油蒲醬又輸來

蓄須

齊齊髮覆額易非曾幾時但憑鏡中顏坐驚日月馳阿兄三十八作令便
有髭弟也四十二纔脫衆試羈前年一至京解官休蓬茨翰林要美好田
父寧有姪艱難望嗣息前年已生兒要作阿翁樣鑷髭羞自欺屠維大除
夕被舊梳與鏡歲在子正月元日春所祺以茲吉祥願自媚新菱茲壯語
謝姬侍男兒重須眉須成當畫象寄與鄉溪涯

奉送新寧督部入朝

戊己堂堂兩奏傳

戊戌八月二十七日公奏有伏乞皇太后皇上慈孝相
孚以慰天下臣民尊親共戴之忱語已亥十二月公奏

有以君臣之禮來以進退之義止語海內傳誦勛名况自中興年主恩新賜黃銀美時論終歸赤

烏賢豈有變皋容老退應無牛李到公前鋒車江上來還日堯日輝輝定滿天

二月十五日雪

百蟄已萌動天地胡積陰夾鐘應葭管橫被大呂侵同雲昏六合盡日飄

旋雲頗亦華草木覆沒松杉青饑鳥啄簷瓦万雀僵空林老農測分寸懼

與牛目平云防麥根腐泚泚發首森

海上老農言臘雪味苦春雪味甘田蟲遇臘雪則頭俛遇春雪則頭仰又

云臘雪長麥根春雪爛麥根

茲晨豔陽節現晷須臾臨默坐待消化助我春江深

次日仍雪

三月雨雪書失時傳有其說人知之二月方半豈足異適有事會森憂危昨夜沒屋瓦今晨堆階墀新竹已摧折杉松亦離披連晝徹夜苟不止得毋百物皆殘廢漢儒春秋有家法盛陰薄陽誰之為吾君好仁協青帝志

登民物春臺熙以閒養病亦大孝眷佑定荷皇天慈去冬仲李跨月雨且陰且雪連春淒臘月有詔建儲貳正旦復詔開秋闈吾君景福無不宜書春大雪臣哉思

琬興十首

桐樹三年長新看出屋梢頗能支夕照不跂鳳來巢
爛漫海棠嬌一月見首尾裁汝試花時草堂猶障葦
紅藥竹闌扶薪苞暗自舒辛勤耐風雨祇是殿春餘
種藤被柳枯理藤解柳縛調停復調停柳在藤有託
廢宅離離柿疑年衆樹尊不同榷木長容易露虬根
群鳥日夕至新篁更闢園由來非寂處不厭四時喧
向晚觀魚會憑橋唾不聲沈沈人影定細細水紋生
雉起忽驚人由東入西薄水邊一鷺鷥忘機自拳脚

惡獺苦相逼年來闌鴨稀獵人張網祝射得獺應肥
攜稚日林下看花與果嬉無訛詩所惜更待幾年知

贈日本西村子雋

時彥

舊知進一與岡千

行添進一岡千仞
皆日本漢學家

子復新詩手自編游學遠徵唐史傳

觀風來識禹山川輔車終古存虞鑑編紵從今愛札賢倚劍中宵同不寐
長安三輔正烽煙

贈陳伯嚴吏部

三立

西江健者陳公子流輩論才未或先人海無端千劫過京塵相惜十年前
崎嶇吳楚頻移舍唐突燕雲正控弦長歎新亭都寂寞強開淚眼對山川
江生謙重摹其族祖慎修先生弄丸圖遺象請題因為生晶

聖清聖祖真聖人囊括六藝恢天鈞廟堂大官半儒者絕域異教來稱臣
黃山白嶽會雲雨中有真儒起巖戶仰闕漢宋扶障翳俛挈戴金張

知亮切

旂鼓康乾鴻博廬徵賢獨抱遺經謝珪組同時不見畫盈傭身後寧知秦
文恭日日弄丸深山中亞細亞洲蠅蒙雄先生自題詩亞細亞洲一蠅蒙胡牀野服白羽
扇七十猶是鄉里翁作圖偶然付畫手即非架足亦不工况經流傳蛻兵
燹重摹編面觀河同裔孫曰謙重祖德奉圖示我三歎息要知生世際休
明便以腐儒終亦得我今散髮棲蓬蒿期於謙也心忉忉但通家學亦英
絕先生遺書連屋高

歸安金鞏伯城印譜辭

羸秦變古文八體有摹印漢律試學僅令史以最進新莽頗改作繆篆用
實近其時丞相侯將軍亭縣郡下及私家章一一出工刃鍾傳自鐫碑要
不試方寸元始出新法吾邱列舉論文何樹兩幟蒼堅儷秀雋海陽矯流
失一意驚端峻爭長自薛滕代興迭齊晉俗工詡妃合驂御並驚駿或乃
湊蛇足而與截鶴脰破碎固不堪植材尤可恨平情去愛憎一節校疵病

小者儻容媚大者寧取鈍邇來趙撫叔樸茂見高韻斯人慟不作徒使金石璽戔戔執事微生才天豈靳駢明枝於仁膠擾翁世運金生清妙才篆刻蓄天分辨體向平直運鋒量遲迅窺覩古人處不許俗情趁為我治五石兼示嘗所應漢白與元朱佼佼各自勝騁足得美途安心究歸命博奕未云賢鼎鐘且當奮稽留與龍泓漫然足茅勁

鳩巢詩

鵲巢高柳顛鳩巢梅中間鳩巢似帽仰而塌鵲巢團團門戶完開門向西北今年南風朝復朝夕復夕養子四五毛未燥不能自覓食雌呼其雄鼓兩翼一鳩無偶毛悅澤飽便歸坐飢一出飢亦幾何所需無多拙者安拙巧者愛自磨不見鳩鵲相代移其家

啄木

憂妖亂將作也

種柳四十霜高及八九丈圍可抱兩人陰周一畝廣露餘足晨清風始延

夕爽擇枝任巢鵲欲下下上上未堪股被夷元氣受天枉何物啄木鳥利
紫翮醜黨雄者黜碧襟雌者且赤穎恃能畫符錄呪蟲出就吮朝朝復暮
暮洞穴至三兩巖然據窟宅歲月子孫長咋咋屢探頭拏拏欲試掌似爾
孳育繁肘腋奸彌養僮奴奮孫升捉禁不割剡縣籠屬羣翔罰焉云示榜
罰薄詎足懲枝條悴搶攘

憎鳥 刺時相也

昔汝來巢以為祥東南西北巢相望主人鹿鳴歌於鄉遂不汝厭任羣翔
攫雜竊肉朝夕啞啞囂且狂主人垞中樹成行鵲鳩鸛鵒百舌燕雀咸鶩
鶩與汝上下搶榆枋就中鳩也尤馴良卑枝託巢深蔽藏巡邏時立高枝
旁何嫌何怨丁汝殃鼓翅撲樹風雨磅巢不待覆已踣蹠卵已噙目猶怒
張鳩自引避寧敢當由來弱肉命縣強世上亦無真鳳皇汝族自大連太
陽鳩上訴帝迷天閭主人睨側滋旁徨便須操弓挾彈誅彊梁鵲鳩鸛鵒

百舌燕雀安知不被飛彈傷鳥可憎非尋常

右臂患風微學讀蘇堪寄丁恒齋詩意甚解脫因和其韵寄恒齋
莊周昔論道特重支離疏其於形德間往往解天拘丁生求名實用意介
墨儒搖精而勞思一病歸江湖右體痺不舉左與持而扶勞生以養生未
脫文字發鄭生妙語言神識超頑軀謂生有不病病乃生所通其旨一万
物其言不枝梧別來僅一歲生病忽到予漸能掣擎物差未妨作書舉室
物醫樂慮臂成枯株而我一笑示用右恒左舒勞逸代進退寧當秦越殊
不揖蛻冠帶不札辭人奴儘有尊者存遺土真區區誓言中風溼試問鱗
然乎雞彈委造物首脊安生無僮能即相視鑑并招犂與

聞李磐碩挈家自京師至濟南感賦十六韵

念子丁時難書來五月中其初見妖青猶未逞剽攻北極雲頽墨南城燹
掣虹四旬音不嗣百險道難通一穴全隄腐連兵列國雄坐挑秦使覺誰

殛舜廷山塗炭胥三輔冰霜迫兩宮和爭分催濟乞免屢溫高剪卓今無
允論袁昔有融從家闥九陌走壁窘諸公豆粥俱奇貴柴車憫獨窮何緣
辭闕下遂許達山東沸沸漕河浪炎炎暑路風妻孥同命鳥身世可憐蟲
得訊愁成誑求徵悟匪聾祇虞荆棘裏駝色已銷銅

恒齋寄所畫扇題曰山水虛深茲境足吾兩人徜徉否詩以答之

恒公畫意如冰雪寄我霜紈秋尚熱對之獨坐迥生涼山水虛深存此說
滄江日夜流潺潺君山狼山疑可攀中間或有避秦處曷棹孤蓬相往還
王五文自合肥寄詩見懷依韵奉答

淝上巍然老輩存書來舊夢一重溫儘收海氣歸書卷遙想霜髯照酒尊
原信何人猶好客應留無地為招魂

謂吳武壯
朱曼君

蒼涼久已拋簪紱落日風

煙况爾昏

題縮景碧玉十三行

二十四五年前在江寧見曾惠敏用西法攝影臨州李氏靜娛室藏本
有翁覃溪小字題記甚精即此本也今又縮十之八松禪老人詩云芙
蓉閣上珠光艷機密房中酒興長今日山河已殘破有人鐫刻十三行
寄慨不少因和其韻

蘇齋舊跋靜娛藏惠敏江南影本良幾許乾坤收縮了等閒過眼十三行
萱闈課讀圖為薛四署正葆楨作

燈影機聲外人間復此圖勗勞企賢母悲感到吾徒祿養曾虛任門基轉
累儒寸心顛顚甚世路況崎嶇

薛烈婦哀詞

烈婦彭氏全椒薛飴澍次令第二子康彤之妻桑根先生之孫婦婚半
載而康彤病又十餘月而卒殮之夕烈婦殉焉年二十

同命迦陵鳥傷根獨活花殘鐫容合醢棄櫬未遲髻吾友哀佳婦貞儀重

世家天應鑒荀米人更及秦嘉

書堂

書堂昨與刺蒿萊短榻低檠獨自陪
簷靜月窺雙燕宿牆高風墮一螢來
誰家簫鼓能為樂見說鑿輿尚未回
我亦栖遲空向老六年塵跡在莓苔
竹孫為畫枯樹荒塍一牯牛二吳羊
於扇戲題

黃牛走散牯牛在吳羊得羣山羊飛
社櫟凋盡蔽不得海上荒塍秋草肥
東隄

西北天都曠東南地更悠映空蒿若
樹疎遠屋如舟導甬憑黃壤看潮但
白頭明年年五十晚矣事農謀

蒿枝港

我皇御極初海東連苦潦方里五六
百沙田萬家繞溝澮不相貫阻絕尾
閭道夏秋三日雨濁浪起豆秒三年
雨不登饑饉憂父老權輿戊寅歲循

灘測漾渺委宛趁窪流譬若卜巫琰萬畝從之施豁然寫靈瀉遂與滄海
通儼若衆流表萬事自人力何者闕有昊有司但徵賦餘漚恣醉飽我來
營墾牧百喙迭震撓膏煎正自取於人亦何惱青青萬叢根潮汐記昏曉
坐覽海東雲萬里冥白鳥

海神廟

黃海河營汎丹宮廖角沙

廟東南即廖角嘴沙舊有大河營汎

乘除百年局新故萬農家轉

漕雲帆改彰靈藻榜華

乾隆間漕督尤世拔奏請純廟賜額

經營各有意神教衆無譁

辛丑墾牧

公司初設營與李審之先事修葺

張季子詩錄卷八終

張季子詩錄卷九

自光緒二十八年壬寅訖二十九年癸卯錄四十八首

初春海蕩見蘆花

南通張 謇

海東無柳應無絮
見蘆花作絮飛寒盡點空疑
臘雪風低弄影試晴暉
陳根腐葉潛相惜
秋燕春鴻勢已違
藉汝略酬花事願
黏泥拂水亦芳菲

春愁

春風先到海東頭
蘆筍茅鍼次第抽
不見垂楊管離別人間何處有春愁
野色

野色乍陰晴荒寒四面生
月光因霧濕海氣忽山橫
祇覺諧孤興誰來託
耦耕栖栖猶未已俯仰愧逢萌

益原來訊論學事喜寄以詩

我方相待子書來
學說分明有取裁
最慰別離能見道
寧隨噂噉共論才

青天白日斯文在絕壑沈陰夜氣回僅助釣鼈東海上漸江早晚一帆開
喜雨

十雨七逢夜朝陰午輒晴節宣勞者意張弛老夫情日漏雲光駁風回海
氣平即看尺澤下隄土亦充盈

屢出

屢出真成慣孤懷亦自遙小車猶擇路獨木已當橋鶴影中霄月蛙聲半
夜潮無人能共語默默斗旋杓

山陰婁壽之道服小象

少年慕道如支許中歲談元輩謝王畫裏歸心向巖壑洛陽何似會稽鄉
巾拂脩然一道民乞書錯認右將軍不知雲礪村池裏能換經鶯有幾羣
為顧石公題松華江踏雪尋詩圖

王氣何曾減江山表極東詩人睠陳跡畫筆起悲風狼虎天難厭孤貂

地漸窮祇應留此本長對酒杯雄

明楊龍友秦淮雪後泛舟圖

圖有程松圖詩茅止生篆首詩後記萬歷四十七年臘月二十五日秦淮暴溢案史萬歷朝災異最夥而此事不載不知志乘有無自頃庚子二月十六日大雪直客授江甯今二月初六七日亦大雪繼以陰雨浹旬不輟復以事至江甯奮筆題此不自知百感之橫集也

地震山崩河水竭廟焚陵汨都門災神宗卅八年頻見異事尋常冬溢淮榛蕪已變赤磯路管絃那識青溪隈無限興亡圖畫裏花朝風雪送愁來

王司直屬壽其季父旭莊太守仁東

旭莊時知通州逾其五十初度己二年矣成詩六韵

京國交游輟江湖浩蕩塵相從再三歎幾閱八千春何世容栖遁成翁亦苦辛詎論鳳池奪差喜虎符新感槩能求治聰明道愛人願言君子壽我

亦是州民

贈日本藤澤南岳翁

翁名恒字君成晚號南岳父亦漢文名家翁著日本通史探奇小錄文
筆脩雋子元造亦重漢學日人謂翁三世儒家

海色西來滿眼前神山樓閣瞰吳船誰知白髮松窗下猶抱遺經說孔傳
村山隆平上野理一西村時彥三君招飲網島金波樓席罷賦詩呈
同坐諸君

金波樓在淀川曲處隔岸即造幣局土人稱為鮒字主人澤姓自其先
之營此業自今十七世閱三百年矣未嘗遷徙唯前為平屋明治初變
法後始改為樓庭前老梅幹大幾及尺而中空束以鐵帶橫斜矯健饒
有古趣簷角一小松秀出天然百年後異材也宴客之堂廣十八席陳
設精雅不似酒肆坐上小山健山諸君皆長者也

浣川上畫樓多樓外嵐光映巨羅接席相忘天誅蕩岸巾強復醉菟我
北聽絕微悲濤涌西望滄溟落日過星月漸明燈漸上從容良會記金波
喜見西村君於大阪

握手重言笑霜華鬢已催艱難五年別辛苦百憂來古義尋僞札當筵識
馬枚謂內藤虎次郎莫談王霸略且覆掌中杯

札幌

四遠山圍札幌皋荒草木萬重毛軒眉未覺東隣富舉首還看北斗高
通州海門當緯度三十鄭罕祿崩終懼厭幼安廬在末容逃生平倒海傾
二札幌當緯度四十三

河意說向中原換結髦

一人

一人有一心一家有一主東家暴富貴西家舊門戶東家負債廣田園西
家傾家壽歌舞一家嘯嘯一嘻嘻一龍而魚一鼠虎空中但見白日俄海

水掀天作風雨

題青森中島旅館

青森旅館推中島最好房櫳十五番牆外羣峰隨海現庭陰一沼覆花繁
喜隨客燕尋巢至愁聽飢鳥索食喧鴻爪匆匆泥壁上他年留證再來痕
華歷閏五月二十三日日本伊藤博文復代桂太郎入內閣紀事

鳥獸亦有羣朋黨性情事與盜掩耳鐘寧各表其職日風故任使黨多自
明治道同旅進退明白不曾秘揭來輿論囂紛紜在國計增稅與募債並
策強隣備忽傳伊侯相號外

日本人賣特別新聞謂號外

播郵置民附國益險正須洽

撫字鄭僑昔為政本心主恭惠毋使觀樂賓旁慮不堪細

大久保村

徑石都躋履林風屢灑襟之餘知惜馬譯苦愛聽禽殊域寧辭僻斜陽易
起陰富山如謝客障隔萬重深

松水道中

山水孕自造物雄靖洲見者疑人工巖琿谷漱出風雨海色八面磨青銅
有時映帶列遠近有時獨秀洪濤中有時危綴樹一粒有時密密樅杉籠
乃至梯田與柴落谿橋神社無名瀧一一摹寫有陳本界畫鉤勒殊不同
我來未暇事幽討徧尋勝地支吟筇但從舟車目所到欣賞已足酬塵寰
神州大陸廿二省各有山水名其封經營位置盡如此圖冊竄許更僕窮
故知侏儒表一節景物端與政事通山經地志祖禹貢當年疏真誰之功
推書撲筆仰天歎冥想著我陶輪中

紀行二十六首

海上神山不渺茫麻姑親自見滄桑船過弱水頻前望五島林間麥正黃
巖壑都疑斷削成園亭臺沼位滄瀛直將院本傳唐宋鉤染重重界畫明
朱明隆武紀弘光絕域求援事可傷破缺金甌誰挈汝更堪乞佛拜東方

長崎東明寺佛殿有明隆武元年大師招討使黃斌御題榜

長崎羣島碧巉巖最好中穹角力岩斷靄流雲封不住夕陽透影上漁帆
平戶村燈列萬星碧波中有戰場燐後人未可輕蒙古印度曾窮擊破倫
是誰亟續貴和篇遺恨長留乙未年第一游人須記取春帆樓上馬關前
乙未定約在馬關春帆樓旅館

紀功礮彈卓碑題月歲征清字可稽底事不隨風雨去化為圓屋徧巴黎
愛國先教稚子歌畫沙亦解認山河生憎卅載中朝使浪蕩揮金鐵甲多
疏鑿琵琶自北垣農工賴澤萬人喧當時謠詠知何限石剝泉飛更不言
百年善政俗方純速化難期哲學神廬市簷崇大黑守町村社饗稻荷神
大黑守猶華俗財神有大槌大黑得
鯉大黑等十餘名稱稻荷神即狐

始慕孫吳後李唐中於趙宋亦回翔祇今事事摹歐美摹到翹髀兩角張
昨日麥黃今日青菜花濃處稻齋鉞農時五月兼三月天氣南陰接北陰

煙靄隨處見工場雪覆寒天軌道藏解識衛文興國意未容靈雨止零桑
呂昭東海氣曾山峙越後山光忽海鋪未必瘧寒能變燠已知看碧亦成朱
卧牛釜谷卧牛函館市大山釜谷其內口之岬也旋蠡口平館翁山建蟹螯若論兵家犄角
勢真宜陸奧著軍艘

津輕東接太平洋中帶江流豆滿長不惜西風催去緊曉星睽睽有光芒
伐木通山日撫夷國人漸北土人稀黛脣黑齒休相笑烏鵲於今有是非
蝦夷女子既嫁則以針刺脣四周畧似菱角而黛塗之日本女子嫁則染黑其齒

松陰藤角一茅宇萬藥千蒲相向開野老應無錦步障都疑石衛尉家來
日本海中風色愁鯨濤日夜上眉頭誰捐庫頁珍千島同抱珠崖萬古羞
山迎西北雪餘顛冬不來航夏不田聞道年來漁業富家家都有鯨魚船
曉來惡浪過江差夜出津輕月似磨眼底平陂真一瞬行人不敢畏風波
布帆如雪水如藍樹裏人家水氣含儻得年年魚稻美濱名湖住勝江南

亦覺陂陀喘汗勞回看衆壑已蓬蒿如何路轉峰逾遠尚有雲中富士高
手枕靈松但見圖一鱗一爪有雲扶海州千載蒼龍劫成敗憑誰論智愚
海州雲臺山龍松蓋千年物野人
以為神而祀之載香樹腹遂焚死

百釜熬波積暑霜漉沙成酒石成塘淮南馬鮑今何在儘有豪情造暇堂
味莖村醒商野崎武吉郎愛
客好文有造暇堂其廣百席

鄭四太曾談有馬郡旁人復侈日光山何當一策飛雲輶十日松篁水石間
東遊初歸過狼山灣遇雨

萬里歸來旅思輕八旬涼燠數歸程洪濤軒涌岸都失驟雨飛過山忽明
時為近鄉詢早潦不堪聽客數科名年來寇盜真充斥此日江干南角聲
寄贈日本小山春卿大阪

衛國多君子懷哉伯玉賢神明融出處豈弟見周旋獨倚空同劍如浮大
海船嚶鳴求助意實為友生偏

張李子詩錄卷十 自光緒三十年甲辰訖宣統三年辛亥錄七十六首

南通張 謇

悼老黃 并序

舊畜犬也中毒死或言病死之前一日余陪客廳事黃跛一足而前旋轉而卧是日由外至書房後北首而卧余見之為檢方書市藥藥至而傭工移黃於園林隨斃以一詩悼之

吾家四犬兩黃黑

幼時一犬名老黑後一黃犬名大獅子又後一犬名小黑此名老黃

汝最威風過大獅闖

戶常驚生脚客近牀不嚇弄頭兒

黃不可狎唯怡兒學走時撫弄其頭黃輒俯首帖耳

老隨僕媼移

新宅死傍園林識故籬十四年來尤可憶迎門長及夜歸時

題揚州趙叟詩稿

由來聞趙叟安雅不歛藏身世長饒柄乾坤短褐衣吟詩聊送日買醉亦充饑感舊應同慨虞陽墓草菲

井龍頭

沂水分流北六塘頗黎始構

玄中記大秦有五色頗黎頗黎國名時方勸頗黎工廠地於此

在平岡誰知

千載輪蹄脚盡碾琉璃寸寸光

井龍頭以北大道之下皆頗黎砂甚富

微山湖

微山山外盡湖波淺漲年年有坦坡農願得田漁願水平章句得幾分多

利國驛

自昔徐州有鐵官東坡書在幾人看空餘磁石攤來賣濯濯童山落照寒

房山

行盡房山接虎山紅泥白石隔林斑

地有水
房山

雨餘更覺分明好竟日征輪

白雨間

五十三歲歲朝寄懷退翁唐開

唐蘇契濶阿兄談忽憶東坡五十三唱和友手聯禁省清平軍職總朝參

蟲蛙不分知冰海蓬蒿誰能共苦甘髮白顏蒼江海上唯應退啻兩頭庵
乙巳三月雲臺山吊龍丈人歌

昔我嘗覲龍松圖千年神物尊東胸蜿蜒膠戾蟄復起孫枝騰逸風雲扶
土人向人詫奇異儼彼狡獪精蜘蛛徂來皇祖自正直造化孕育焉可誣
雲臺嵬莪鬱洲墟羣山所宮海所都逍遙廣漠遂老壽呼龍等之牛馬呼
當時阻絕出世外好事忽來陶大夫尊以丈人肅再拜刻雲刻石大字書
盛名四海日月肅奔走瞻敬來羣愚山亦一旦上平陸拱衛屏卻蛟鼉魚
狎而求者不可詰焚香乃薦青石爐猶嫌不足盡親愛投其空腹燔其膚
庸奴俗物亦巨耐丈人況是天之徒乘風駕煙倏化去盛怒若奮蒼髯胡
我履其地竅其故循崖歷澗長嘻吁大不中繩小不矩匠石所棄村社樗
託體為松有龍號千緇會拽沈珊瑚所恨徒為螻蟻死致緣文繡犧牲軀
記其妄福及妄禍六十周甲龍兒符

兩江總督陶澍題龍丈人碑在道
光壬辰樹為火焚在光緒壬辰

人丈人那何許陰巖獵獵萬松籬

與曷臧久香敬銘登狼山望海樓追悼肯堂梅孫

故人陳約在黃泥觀燒猶傳隔歲詩

肯堂有狼山觀燒詩

姓氏劇成耆舊傳歡嬉追

溯少年時苦求耕釣誰能偶便數滄桑我亦哀望海樓邊尋石刻傷心梅
老共煙霏

惜李鎮

三十年來數總兵煙銷雲過不知名能令士飽民安卧獨有長沙李定明
病起

園林頻厭雨軒檻又東風病起看新綠春微愛落紅偶歸家似客憶舊稚
成翁祇有山妻解於勞惜瘁同

常熟相國閣中墨桂

短牋澹墨著秋颺想見風簾拂燭時幾許桑田都變海不堪重說却說枝

師範學校祝先師歌

天佑下民作之君師黃帝堯舜道實兼之自家天下德與位離天生孔子
以師壇姐金聲玉振集成於時時義大哉上陶炎羲下憲文武旁綜百文
大宏教育為民墳荒

孔子之任素王之事孔子之教忠信孝弟其所著見詩書六藝牖民知覺
俾民不昧民有知覺乃有生理賤貴智愚廣以無類先師先師惟我孔子
猗歟孔子猗歟先師

長樂鎮初等小學校歌

大江東下海潮上潮潮都進青龍港港中有三鎮長樂居中央二十八圩
同社倉小學校開兼教養父老勿愁荒兒童勿愁飢大家愛國先愛鄉長
樂之校真堂堂

題趙忠節公臨危墨跡

慷慨當年節流傳絕命詞氣真能任酒才不盡工詩世難仍薪火邊聲恤
鼓擊雲霄空悵望縑墨黯淋漓

題禹鴻臚之鼎所繪漁洋山人灞橋風雪圖

楊州官好傳司理孤野遺民亦有人

謂吳野人

跌宕勝流煙月在蕭閒餘思盡

圖新滄桑有語頻聞蔡雞犬何方託避秦正恐灞橋風雪裏相公策蹇高
逡巡

陪陳子礪提學遊狼山示詩奉和兼懷梅孫肯堂

淮南江北海東頭撮此青蒼顧衆流脚底滄桑千劫換眼中薪火萬方憂
故人榻在渾殊世使者車來已過秋山睡待蘇民待牖企公辛苦念吾州
夜坐壽松堂樓上北望城濠慨然有作

城南濠水界重隄隄內高樓拂素霓老子歸來憑徙倚兒曹笑語共提携
條條煙漏燈芒直粒粒霜澄樹影齊一歲馳驅閒一夕頗懷愁送月輪西

題關網之直刺小象

海上蜩螗警翼然
乙巳秋怪卿饒膽志
名父禪箕裘老去張
平子新迎郭細侯
飛騰覘骨相龍氣帶
吳鉤

國粹保存會第三年祝典徵詩

秦火光中有伏生遺經
收拾漢承明誰能戰栗
綿周社尚藉哀絃慰魯城
世變九州三古絕國魂
千劫一絲輕維持自繫
吾曹事辛苦叢殘已得名
吳穎之前輩屬題其先
兩代孝子畫象冊

高風吳季札閱世累千年
故國聲名獨餘慶孝義延
江河看轉石星日自輝
天瞻敬含生輩寧惟後
嗣賢

德宗景皇帝挽詞

釋褐趨朝會臨軒識帝儀
甫傳蟲鶴屺旋聽鹿鯢遺
鹿耳鯢身率土憂違

樂深宮孝易慈昊天號且泣
誰覺舜心悲

縱賜和戎樂寧忘在莒年經廷朝納誨宣室夜求賢善下谿成谷更張瑟
改絃庸知元祐政翻覆祗蹄筌
移柄封儲兆盈廷張脈興朝衣卿受刃斗米盜傳燈西狩居岐僅東回真
雒應夔夔天未格積憾過嶠澠

八載瀛台住含辛為國屯何知天子貴猶藉庶民伸疑病頒方劇遺書作
憲真瞻天更無語先盡侍宣仁

劉雪湖畫梅

明劉世儒字繼相無聲詩史謂嘗寫鐵幹回春圖贊胡元瑞胡賦詩比
之為花光長老及王元章者也光緒甲辰得此畫適與客論畫梅遂題
一詩證三百年翰墨緣更三百年不知此畫此詩復在何許

未能免俗彭剛直三十年來人道奇寥寂山陰雪湖叟千花萬蕊出天姿
霜皮溜雨差堪擬鐵幹回春只自知粉壁雲窗晴畫裏倦晴軒谿最高枝

己酉元夜坐華竹平安館倩影室惻懷徐夫人二律

從來此夜儘平常燈火相依共一堂興至旋橋同步月閒從書室為添香
森森令節談先緒每每明朝治客裝牽兔擎獅看走馬十年喜更為兒忙
汜休養病輒無閒拚得閒時病已孱倉卒行窩成小屋淒涼大藥渺神山
花中路改悲遺躅月下魂歸識舊顏愁對一年能幾夕不堪霜鬢日斑斑

沈梅孫方執經侍坐圖

竹箭東南秀吳興舊有聞公鄉不慙長子弟總能文通德應成里傳經當
策勲尋常三世宦龍蛇大紛紛

蘇堪以詩扇獎怡兒因書其背

鄭君余老友結交卅年強其詩妙天下鏗若聽鸞皇有子四五人燥燥成
雁行令各習一藝勿為詩所傷詩好漫無用不好徒啾噓今見吾兒作歡
喜騰篇章無乃譽人子與其直意妨世亂要材用材必棟與梁區區琢采

桷得失皆尋常君意甚深遠兒輩安能詳譬之事博奕聊以酬嬉荒一笑
語兒子老夫詩滿囊

三月四日花竹平安館

三月三日上巳辰踰辰一日猶晚春被除不祥蠲穢塵貳蘭倅藥彌可珍
花竹之館臨水濱歸來佳氣生坐茵博山爐上香如雲香中縹渺莊覩人
使我靜對釋怨瞋回心急慮盟諸神此日此日佳哉晨

花竹平安館臨行感賦

十日平安館春鶯苦向啼圓壇花欲黯小樹葉方齊來月窗多隙生苔砌
有泥祇傷人去後萬事付淒迷

夜壘寧飯燕朝簾放螳蜂蛛餘三角網鶴替五更鐘往事成今日孤懷欲
萬重眼前徵物理一枕自惺忪

好義憐兒直思聞厭客頻閉門談古事留燭惜餘春霄漢無窮曠江湖欲

倦身幾時能息轍明日又風塵

離合篇

會合常苦淺別離常苦深淺深迭相代日月馳駸駸價深以淺日其級千萬尋若為析分寸細碎如棘針遂覺會合是價逾雙南金合時既如此可知別難任良宵覩皓月便思照汝簪清晝遇好風便思灑汝襟臨觴得美酒便思同酌斟悅目得佳卉便思同謠吟栖栖行旅夕孤懷纏枕衾鍾期山水曲千載獨牙琴嗚呼往哲論人貴相知心

無題

百果千因未足奇空山生木木生枝觀空施報何恩怨聚有推傷况別離填海鳥銜無語石同宮蠶抱互維絲可憐苑左關心處已在隄西盡目時
四月初六日夜國秀亭望新月

八角虛亭石抱圓初更風嫩露涼天不嫌沉看生明月月到生明已可憐

此君亭上三年事
丁未元夜與徐夫人坐此君亭焚香玩月
儻清談坐月時
舊影新痕愁絕處
世間惟有月能知

祥祭徐夫人後傷感而作

四序有代謝荏苒忽改歲去年三月中往復走江滙延醫與之歸藥力終不濟坐聽死別言一抱訣淚皆自以忠恕心收攬舉家涕送子歸新阡近與翁姑麗淒淒風露宵松柏未能蔽悲來塞肝腸戚戚况臨祭

自昔慈母喪內政惟子賴前年府君歿綢繆及閭外僅量約米鹽傭畦課菰薤平亭戚里爭時雨露濤嗟余役津梁三十有五載還家若旅居出入冬春代嗟子不讀書意量高百輩細與道家常大與說世界微言恒啟予天懷翕沆瀣

三年積木石西垞營新居首尾十閱月朝夕監視初成我尊素堂展我扶海輿繞垞樹佳蔭行行列桑榆前庭雜花藥中廡羅圖書後堂機與杼旁

舍雞羊猪一一副余命子才亮有餘今余緬所歷一物一啼噓一事一忤
惕余貌安得腴

四思篇

思江東江東采芙蓉芙蓉須待秋來紅病條悴葉難為容願得一心人白
首能追從

思江西江西采菴菴菴菴之心赤如脂拔心不死誰使之願得一心人白
首不相離

思江南江南采葦藍葦藍洗多顏色慙青青紅紅生二三願得一心人白
首同苦甘

思江北江北采蓮葦蓮葦落時鳥來食葦心之苦誰與惜願得一心人白
首任危急

夜至天生港

孤月隨人別路明驚回別夢是江聲千愁萬恨憑誰說化作空煙一片橫
歸常樂口占

日薄雲稀雨漸晴扁舟解纜欲東行懸知汽笛三聲咽中有人人送客情
嗇庵

七日黃梅雨時時愛嗇庵藩花頻去穢園果尚留甘詩筆因人發爐香與
佛叅乘除無限感方寸付誰諳

平安館寄衣至滬

孤樓燈火夜蕭蕭千里書來道路遙知我無窮相感意一回好語一魂銷
孤樓獨坐夜寒天檢點冬裘付使傳若把心腸較寒暖心腸暖過百重棉
感事

世上風雲若可驚人心矛戟幾時平老夫一笑渾閒事夜半霜天看月明
夢中有曉行詩足成

獨客西風裏單車趁早曦雁馱殘雪卧鴉啁斷冰飢

二句夢中詩

地僻却無聲

年豐戶盡炊元黃天地事野老不曾知

海上雜感

雲頭萬雨絲隨風任飄灑一絲首無尾忽落隄內或隄外內與渠水相滌
洄外逐潮流東入海風也誰為之雲無憎與愛

萬蘿附松柏本來不同根不如桑寄生根與桑為因得桑之氣與桑存綱
繆堅苦冰霜魂

辛亥元月十八日怡兒生日在平安館

往歲兒生日有時余在家夫人治麵饌督婢簡芹芽禮先祀必祝喜色顏
有加晚燈為兒張年鼓令兒搥以此慰余懷余懷亦良嘉今晨花竹館風
雪交簷牙苑竹偃凍葉庭梅吐新葩獨坐對倩影有若明鏡花早知真亦
妄况乃生有涯世上兒子輩儻忽成龍蛇老夫心冥冥微旨參釋迦爐中

一縷香氤氲橫紫霞

與金滄江同在退翁榭食魚七絕三首

昨日刀魚入市鮮
慙慙先上長官筵
如何頓得非常價
江上春寒過往年
王字河心水不波
霜頭雪尾網來多
漁人不惜終宵苦
卧醒時聞打槳歌
新城城外港通潮
蚌味清腴晚更饒
一勺加薑如乳汁
胃寒應為退翁消
二月十二日賦得月

去歲今宵月分明
尚在天看從殘柝裏
照入落梅邊
隱魄難瞞死
呈光且
向圓欲將雲蔽汝
風力滿空堅

慕疇堂下梅華柏秀喜而有作

一年幾度來看汝
梅也芳妍柏也高
或者婆婆娛我老
大都期許等兒曹
冰霜已脫毋忘戒
斥鹵能春足自豪
更與商量憐護法
培泥襯石不辭勞
慕疇堂雨中看梅

江南梅落盡海上忽驚奇已近清明節爭開爛漫枝地偏標勝瘁天厚得
春遲一笑成今昔茅黃葦白時

柳母挽詞

為柳生翼謀作

白門英彥共論才柳子清通衆所推母教劬從寬校受父書苦為鑿益開
客遊頓斷身衣綠孺泣長擎口澤栝一貢成均成底事當年我亦不勝哀
此君亭小坐

僻地常留凍虛亭易受陰溪風寒瑟瑟林月皓森森傾否無寧世恒勞有
繫心斯須珍一憩不及在巢禽

營博物苑

濠南苑園鬱璘彬風物駢駢與歲新證史匪今三代古尊華是主五洲賓
能容草木差池味亦注蟲魚磊落人但得諸生勤討論徵收莫惜老夫頻
女師範學校歌

人生必有家家政賴汝治女知向學明義禮相夫教子可與古之賢母令妻比養成賢令材道從師範始師有範兮範女子

通州女師範乃在城之東名園叢珠媚講席開春風春風駘蕩百蟄融園中卉木新慈範女子有學兮欣欣棣通女子有學兮邦家之隆

辛亥人日立春

去年人日有來人今日人歸但見春臘盡苑梅含小凍晴初陌草端微塵銀幡綵勝誰家事茗椀香爐獨坐晨容得老夫閒幾日又添霜鬢幾絲新為劉慈石參議題翁覃溪書金剛經塔

藏海紛紛徵妙義闡者大半南朝人當時易代若兒戲兵革烽火連江津盜賊自作富貴孽溝壑塗炭何辜民祈福來世作妄想夢蟲自慰生不辰佛言我亦歷億劫方其劫時無怨嗔不然種種極樂事享受何必金剛身國初自經文字獄刀筆毒螫縉紳學風一變事考據或逃於佛皈世尊

寫經釋典博雅譽覃溪學士尤殊倫今觀此書證業刻巧慧頗亦勞精神
寰海清夷日月曙官家自數乾嘉春藝事瑣細即勿道士有餘暇寧不真
吁嗟小雅詩人生世早不知有佛乞命歸陶輪

清明舟中

海上客盡去清明我亦歸乘潮浮艤子犯雨糾蓑衣累病衰方覺長征願
豈違行遞三十里桃李已芳菲

題農場核桃樹

核桃樹顛而粵夷墟剌莽樹獨留農場昀西南陬

庭前繡毬盛開海棠餘紅三五而已徘徊其下感而賦之

一春花事為誰忙歸向花前始自傷能為白頭娛晚景亦憐紅粉洗華妝
層層團雪融新月縷縷禁風媚夕陽同是八年親手植扶疎看已出蒼強

題尊素堂後石

日本書紀卷之六

YORK UNIVERSITY
JUN 1 / 2001
EAST ASIAN STUDIES



